

देवा में महादेव कहाओ,
कालन में महा काल हरे,
मेही पुलों मेंही जाल है मारे,
हो मारा घर को न्यावटो कुणी करे रे ॥

लक्ष्मी पति गरुड चढ़ आवे,
दरशण इच्छा पूरी करे,
वो गरुड देख कर नाग ये मारा,
बील मही ये गुस्या फीरे रे हो ॥

अरे गणो रे लाडलो बेटो गजान्द,
या दुनिया पुजा प्रथम करे,
लम्बी पुछ को लावे उन्दरो,
मारी जटा कतर नुकसाण करे रे हो ॥

कार्तिक कैलाश मे आवे,
मोर की सवारी करे,
छत्तर कर कर नाचे मोरीयो,
मोर देख मारा नाग डरे रे हो ॥

मारे सवारी है नान्द्या की,
वो हरीयो हरीयो घास चरे,
घर लुगाई बेटे नार पे,

नार देख नर भागो फिरें हो ॥

ग्यारा मुन्डा दोई बाप बेटा के,
बार वो हाथी पेट भरे,
घर को धणी धुणी पर बैठे,
काम कोडी नाय करे रे हो ॥

अशल कारीगर नाम है मारो,
छीजण सु मारे धाक पडे वो,
बाप को पाणी कोई नहीं पीवे,
बेन मारी घर घर में फिरें रे हो ॥

मरया पसु को लावे चामडो,
जिसे मारो सिणगार करे,
बचु पकड कर मने धदुणे,
मु नई बोलूं तो मारे पडे रे हो ॥

अरे दुख सुख तो आवे और जावे,
धुप छाया का खेल करे,
हरी करे सो खरी ऊकारा,
गुरू चेतन बेडा पार करे रे हो ॥

देवा में महादेव कहाओ,
कालन में महा काल हरे,
मेही पुलों मेंही जाल है मारे,
हो मारा घर को न्यावटो कुणी करे रे ॥

Upload By Narayan jangid
9413344064

Source: <https://www.bharattemples.com/deva-me-mahadev-kahave-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>